



## 故鄉情

我自細漢就一直躑佇雲林的庄跤所在，我對遮的印象就是一个充滿人情味猶閣有真濟親情朋友的所在。定定佇附近迤迤，恰附近的囡仔冤家，時間過了真緊，雖然家已擺無發覺，毋過遮的人事物嘛早就已經和以早無全囉！厝邊隔壁有人搬走，嘛有人搬來，老大人有的過身，當初彼寡囡仔嘛擺大漢矣。

我自高中就開始躑佇學校，所以這寡變化一直到最近才發現，甚至舊年我閣問阮媽媽：「進前彼寡會佇門跤口走來走去的雞仔，這馬擺走去佗位？」媽媽講：「戇囡仔，毋知幾年前就無人咧飼雞矣，你這陣才發現是無？」我雄雄發覺我敢若已經毋是庄裡的一份子矣。這明明是我以早定定迤迤的所在，我煞連附近有啥人都毋知，以早定定做伙耍的人嘛真久無行跤到矣。我出門行到田頭前，想起我以早嘛是真愛走入去內底耍，了後予爸爸媽媽罵。有一擺咧耍的時，閣予躑佇附近的主人拄著，我恰阿兄想講：「這聲慘矣，這擺毋是干焦予媽媽罵就會準煞矣。」阮和主人相對相相真久，結果伊煞笑出來。伊講：「無要緊啦，囡仔人愛耍。」了後伊就用附近佇塗跤的稻草縛兩隻馬仔予阮。我感覺真古錐，所以嘛安心綴咧笑出來。後來媽媽來共阮接轉去的時，看著阮擺耍甲遮歡喜就無共阮罵，共主人說多謝就轉去矣。彼隻馬仔收佇厝裡真久，這馬欲揣煞無去矣，佇彼坵田作穡的嘛早就毋是彼个真有囡仔量的老大人矣。

就算講以早對家己身軀邊這個逐日行踏的所在無啥咧注意，毋過若有一工離開彼个平常時無咧關心、彼个有上愛你的親人、有各種記持和感情的所在，欲去他鄉拍拚、讀冊，可能一個月才會當轉去一擺，總是會不時想起故鄉的種種，懷念以早的日子、思念媽媽。就算佇外口按怎歹過、受著啥物打擊，一個月轉去一擺總是會當放予輕鬆。雖然講人事物已經無全，故鄉的厝邊猶是遐爾仔親切，親人的愛猶是滿滿滿，伊猶原是彼个我上意愛的模樣。

作者：許新源

### ☆詞彙學習☆

【冤家】uan-ke：爭吵。

【定定】tiānn-tiānn：常常、經常。

【這聲】tsit-siann：這下子、這回。

【準】tsún：當做、做為。

【坵】khu：塊、畦。計算田地的單位。

【囡仔量】gín-á liōng：指對小孩子的無理行為能夠容忍。

【行踏】kiānn-tàh：走動。